

Isumaginninnermi siunnersortissanik ilinniartitsineq pillugu Namminersornerullutik Oqartussat nalunaarutaat nr. 26, 7. december 2000-imeersoq Atuussimasoq (Historisk)

Isumaginninnermi siunnersortissanik ilinniartitsineq pillugu Inatsisartut peqqussutaanni nr. 10-mi 31. oktober 1996-imeersumi § 5, imm. 2, § 17, imm. 2 kiisalu ISI oqaaseqaateqartereerlugu, § 18, imm. 1, §§ 20, 21 aamma 25 tunngavigalugit makku aalajangersarneqarput:

Kapitali 1

Ilinniartitaanerup aqunneqarnera

§ 1. Isumaginninnermi Siunnersortinngorniat Ilinniarfianni (ISI) ilinniartitaanermut siunnersuisoqatigiit arfineq-marlunnik ilaasortaqqartoq pilersinneqassaaq:

- 1) ilaasortaqqartoq ataaseq Ilinniartitaanermut Pisortaqqarfimmit toqqarneqartoq,
- 2) ilaasortaqqartoq ataaseq Isumaginninnermut Suliffeqarnermullu Pisortaqqarfimmit toqqarneqartoq,
- 3) ilaasortaqqartoq ataaseq Kalaallit Nunaanni Kommuneqarfiit Kattuffiannit (KANUKOKA-mit) toqqarneqartoq,
- 4) ilaasortaqqartoq ataaseq Atorfillit Kattuffiannit toqqarneqartoq,
- 5) ilinniartitaanermut rektori
- 6) ilaasortaqqartoq ataaseq ilinniartitaanermi ilinniartitsisunit taakkulu akornannit toqqarneqartoq, aamma
- 7) ilaasortaqqartoq ataaseq ilinniartitaanermi ilinniartunit taakkulu akornannit toqqarneqartoq.

Imm. 2. Siunnersuisoqatigiinni ilaasortanut tamanut sinniisussat toqqarneqassapput.

Imm. 3. Ilinniartitaanermi siunnersuisoqatigiit suliassaqqarfinni immikkut ittuni ilisimasalinnik aalajangiinerni taaseqataasinnaangitsunik ataatsimiinnerni peqataatitsisinnaapput.

Imm. 4. Rektori ilinniartitaanermi siunnersuisoqatigiit siulittaasoraat. Ilinniartitaanermi siunnersuisoqatigiit namminneq inissitsitissapput siulittaasup tullia qinerlugu, suleriaasissaminnut siunnersuut namminneq suliaralugu, taannalu Ilinniartitaanermut Pisortaqqarfimmut akuerisassanngorlugu nassiunneqassaaq.

Imm. 5. ISI Ilinniartitaanermut Siunnersuisoqatigiinnut allattoqqarfiuvoq.

§ 2. Ilinniartitaanermi Siunnersuisoqatigiit isumaginninnermi siunnersortinngorniat ilinniartitaaneranni siunnersuisuupput, taamalu Ilinniartitaanermut Pisortaqqarfimmut siunnersuuteqqarsinnaallutik.

Kapitali 2

Ilinniartitaanerup imaa

Ilinniartitaanerup aaqqissuussaana

§ 3. Ilinniartitaaneq ukiunik pingasunik affarmillu sivisussusiligaavoq, immikkoortunullu arfineq-marlunnut ataqatigiiaartunut agguagaalluni.

Imm. 2. Ilinniarnermut ilaavoq sulinermik sungiusarneq ilinniarnermi immikkoortup ataatsip sivisoqataanik sivisussusilik.

Imm. 3. Ilinniarnermut ilaavoq sulianut assigiinngitsunut tunngassutilik suliniummik ikinnerpaamik ataatsimik suliaqarnissaq ilinniarnerep immikkoortuata ataatsip missaanik sivisussusilik.

§ 4. Ilinniartut piffissaq ilinniarnerep sulinermik sungiusarnertaa atugassarititaasut makku tunngavigalugit ingerlatissavaat:

- 1) Sulinermik sungiusarneq ingerlanneqassaaq ISI-p sungiusarfissatut akuerisaani.
- 2) ISI sulinermillu sungiusarfissaq sungiusarnissaq pillugu isumaqatigiissusiussapput.
- 3) Ilinniartoq sulinermik sungiusarfimmi suliassanik suliaqarnermi suleqataanissamut pisussaavoq, sulinernullu sungiusarneq pillugu isumaqatigiissut naapertorlugu nipangiussisussaalluni allatigullu pisussaaffeqassalluni.
- 4) Ilinniartup sulinermik sungiusarnerup ingerlanerani allattariarsorluni pisassat marluk suliarissavai, taakku sulinermik sungiusarnerup akuerineqarnissaanut naliliinermi atorneqassapput, tak. § 29.
- 5) Ilinniartup sulinermik sungiusarfimmi akisussaasumik ilitersuisoqarnissaa (sulilluni sungiusarnermi ilinniartitsisoq) ISI-p qularnaassavaa.

Ilinniartitsissutissat aaqqissuuneri

§ 5. Ilinniartitaanermi ilinniagassat ilinniartitsissutigineri nal. akunnerinik ilinniartitsiffiusunik 2300-nik sivisussuseqarput, imatullu najoqqutassiaanerusumik procentinngorlugu agguataagaallutik:

1) Isumaginninnermik suliaqarneri periaatsit aalajangersimasut	2 8
atuagarsornertaallu	%
2) Tarnip pissusilerineq	1 4
	%
3) Inooqatigiilerineq	1 1
	%
4) Aningaasaqarneq	1 4
	%
a) akileraartarnermi inatsit inuiaqatigiillu allaaserineqarnerat	
b) suliffeqarneq pillugu ilisimasassat kiisalu	
c) isumaginninnermi aningaasanik pilersaarusiortarneq.	
5) Isumaginninneq pillugu inatsiseqarneq	1 1
	%
6) Pisortat ingerlatsinerat pillugu ilisimasassat	5 %
7) Inuit ataasiakkaat, ilaqutariillu pisinnaatitaaffii	6 %
kingornussisarnermilu inatsit	

8) Pinerluttulerineq pinerluttulerinermilu inatsit	3 %
9) Kulturi kinaassuserlu	3 %
10) Tarnip nappaataanik katsorsaaneq inooqatigiinermilu atukkat inuup peqqissusianut sunniuteqarnerat	5 %

Ilinniartitaanerup ilusilersugaanera

§ 6. ISI-p ilinniartitaanermi ilinniarnep aaqqissuunnissaa suliarissavaa, taassumalu minnerpaamik imarissavai

- 1) ilinniagassat ataasiakkaat, pikkorissarnerit, sulinermik sungiusarnerit sivisussusissaat, suliniutinik suliaqarnermi piffissaliussat, allattariarsorlunilu aamma suliniummik suliat tunniunneqartussat imarisaat aamma pisassat pillugit najoqutassat, taakkulu ilinniarnep ingerlanerani inissisimaneri,
- 2) allattariarsorluni suliat tunniunneqartussat pillugit malittarisassat, tassunga atatillugu tunniussineq ataasiakkaarluni imaluunniit eqimattakkaarluni pisinnaassanersoq pisassanersorluunniit,
- 3) ilinniarnep ingerlanerani misilitsissutissat taakkulu ilinniarnep ingerlanerani inissisimanerinek allaaserinnineq,
- 4) misilitsiteriaatsit atorneqartut allaaserineri, tassunga ilanngullugit eqimattat ataatsimut misilitsinnerini peqataasussat amerlassusissaat,
- 5) misilitsinnerit suut karakteriliviussanersut takussutissiorneri, aammalu misilitsinnerni suni naliliinerit "akuerineqarpoq"/"akuerineqanngilaq" atorneqassanersut,
- 6) "akuerineqarpoq"/"akuerineqanngilaq" naliliineri atorneqaraangata suut pingaarutillit ilaatinneqassanersut erseqqissaatigalugit, tassunga ilanngullugit naliliinerit taakku atornissaannut pinngitsoorani naammassisassat,
- 7) misilitsinnissat pillugit malittarisassat,
- 8) ilinniartussatut nalunaarsimasut amerlassusii malillugit ilinniaqatigiit avinneqartarnissaat ataatsimulluunniit katinneqartarnissaat pillugit malittarisassat,
- 9) ilinniartitaanermi pilersaarutit,
- 10) ilinniarnep ingerlanissaanut maleruagassat aamma
- 11) ilinniartut soraarsinneqartarnerat pillugu najoqutassatut malittarisassat.

Imm 2. Ilinniartitaanerup aaqqissuunnera Ilinniartitaanermut Pisortaqarfimmut ilisimatitsissutitut nassiunneqassapput.

Ilinniartitaanermi malinnaaneq

§ 7. Ilinniartup ilinniartitaanermi aaqqissuussineq malillugu malinnaanissamut piumasaqaatit aalajangersakkat malissavai.

Imm. 2. Ilinniarnermi malinnaanermik naammattumik ingerlatsisoqanngippat ISI-p ilinniartoq ilinniarnermi peqataaginnarnissaanit tunuartissinnaavaa.

Imm. 3. Ilinniartup qinnuteqarneratigut ilinniarfimmi pisortap ilinniartoq semesterimik uteqqinissaanik akuersissuteqarsinnaavoq.

Kapitali 3

Sammisani ataasiakkaani ilinniakkat, sulinermik sungiusarnerni suliniusiornernilu siunertat

Ilinniagassatut sammisassat

§ 8. Isumaginninnikkut suliassanik suliaqarnermi aalajangersimasumik periaaseqarnermik ilisimasassartaanillu ilinniagassatut sammisani siunertaavoq, ilinniartut isumaginninnermi suliassani aalajangersimasumik periaaseqarnermik ilisimasaqalernissaat paasinninnissaallu, taamaalillutik ataatsimut isiginninneq aallaavigalugu

- 1) inooqatigiinnermi atukkat ajornartorsiutinngorsimasut pissutaat, taakkulu inunni ataasiakkaani, ataatsimoortuni inuiaqatigiinnilu malunnaataat kingunerisaallu misissoqqissaarsinnaalissallugit, aamma
- 2) isumaginninnermi sulinermi aalajangersimasumik periaaseq pinaveersaartitsinnermi ajornartorsiutinillu aaqqiinnermi piginnaassuseqarlualernissaq.

§ 9. Tarnip pissusilerinermik ilinniagassatut sammisani siunertaavoq

- 1) ilinniartut inuup ataatsip inuillu ataatsimoortut ineriartornissamut periarfissaat, kulturimut inuiaqatigiinnullu tunngasunut naleqqiullugit killilersuutit pissutsillu imminnut sunniivigeqatigiittarnerat pillugit ilisimasaqalernissaat aamma
- 2) ilinniartut tarnip pissusilerinermik isiginneriaaseqarnerat periaatsinillu aalajangersimasunik isumaginninnermi suliassani aalajangersimasuni atuisinnaalernissaat.

§ 10. Inooqatigiilerinnermi ilinniagassatut sammisani siunertaavoq

- 1) ilinniartut inuttut atukkat ajornartorsiutinngorsimasut pissusiinik, atugassarititaasunik pissutaasunillu inunnu ataasiakkaanut, ataatsimoortunut inuiaqatigiinnullu tunngatillugu ataqatigiinnerinik paasinnillutillu ilisimasaqalernissaat aamma
- 2) ilinniakkami inooqatigiilerinnermi periaatsinik isumaginninnermi suliassanik suliaqarnermi atuisinnaalernissaat.

§ 11. Aningaasaqarneq pillugu ilinniagassatut sammisani, tassunga ilaatillugit akileraartarnermi inatsisinut inuiaqatigiillu pissusiinik allaaserinninnermut tunngatillugu siunertaavoq ilinniartut

- 1) inuiaqatigiit kalaallit inuuniarnermi atugarisatigut aningaasarsiornikkullu ineriartornerannik aaqqissuussaanerannillu ilisimasaqalerlutillu paasisaqarnissaat,
- 2) innuttaasut inuuniarnerminni atugarisaat, tassunga ilanngullugit isertitaqartarnermut akileraartarnermullu tunngasut kiisalu suliffeqarnermut ineqarnermullu tunngasut,
- 3) pisortat akuleruttarnerisa aaqqissuussisarnerisalu sunniutaat aammalu inuit ataatsimoortut inuuniarnerminni atugarisaat inuuniarnikkullu ajornartorsiutaat aamma
- 4) pisortat ingerlatsiviini nuna tamaat isigalugu kommunikkaartumillu pilersaarusionerq tulleriiarisarnerlu tassani isumaginninnerup iluani suliassaqarfiit pingaartillugit.

§ 12. Isumaginninnermut tunngasunik inatsisit pillugit ilinniagassatut sammisani siunertaavoq, ilinniartut

- 1) isumaginninnikkut inatsisinik aammalu isumaginninnermut tunngasunik ingerlatsinnermi tunngaviusunik paasinnillutillu ilisimasaqalernissaat aamma inatsisit nalinginnaasumik paasineqarnissaannut nassuiaatinik ilisimannillualernissaat aamma

2) isumaginninnermi suliassani ajornartorsiutit aalajangersimasut nalinginnaasullu aaqqiiviginissaanni inatsisitigut malitassanik atuilluarsinnaalernissaat.

§ 13. Pisortat ingerlatsinerat pillugu ilisimasassanik ilinniagassatut sammisani siunertaavoq, ilinniartut pisortat aalajangiisarnerini malitassatut tunngaviusunik ilisimasaqalernissaat, tassunga ilaatillugit inatsisitigut najoqqutassat, pisortat sulianik ingerlatsisarnerat pillugu aalajangersakkat aammalu aqutsilluni ingerlatsinermik nakkutilliineq pillugu malittarisassat.

§ 14. Inuit ataasiakkaat, ilaqutariillu aammalu kingornussisarneq pillugit inatsiseqarnermik ilinniagassatut sammisassani siunertaavoq, ilinniartut inuit ataasiakkaat, ilaqutariit kingornussisarnerlu pillugit inatsiseqarnerup iluani inatsisitigut aalajangersakkat inuit ataasiakkaat pisinnaatitaaffeqarnerannik pisussaaffeqarnerannillu aaqqiinernut tunngaviusunik paasisaqarlutillu ilisimasaqalernissaat, taakkununnga ilanngullugit aningaasanik pigisanillu pisuussutit pillugit inatsiseqarnerup iluani tunngaviusumik aalajangersakkanik ilisimasaqalernissaat.

§ 15. Pinerluttulerinermut tunngasunik ilisimatusaatit aamma pinerluttulerinermik inatsisit pillugit ilinniagassatut sammisani siunertaavoq, ilinniartup

1) pinerluttarnerit amerliartorneri siaruariartornerilu isumaginninnikkullu nakkutilliinerup ilusilersugaanera, annertussusia allanngoriartorneralu paasisaqarfigalugillu ilisimasaqarfigilissagai aamma

2) inatsisitigut aalajangersakkat innuttaasut pinerluttulerinermik inatsisit eqqartuussisoqarnermi inatsiseqarnerup iluani pisinnaatitaaffiinik pisussaaffiinillu aaqqiisutaasartut paasisaqarfigalugillu ilisimaqarfigilissagai.

§ 16. Kultureqarneq kinaassuserlu pillugit ilinniagassatut sammisani siunertaavoq, ilinniartut oqaluttuarisaanermut, kultureqarnermut sumilu inunngorsimanermut tunngasut tamakkulu inooqatigiinnermi qanoq sunniuteqartartut paasisaqarfigalugillu ilisimasaqarfigilissagaat.

§ 17. Tarnip nappaataanik katsorsaaneq pillugu ilinniagassatut sammisani siunertaavoq, ilinniartut tarnikkut nappaatinik, tarnikkut nappaatit katsorsarneqartarnerannik inuuniarnermilu atukkat inuup tarnikkut nappaateqalissutigisartagaanik katsorsaariaatsit ilisimasaqarfigilissagaat, taamaalillutik isumaginninnermi siunnersortit tarnikkut nappaatilinnik isumaginninnikkut sullissinermi ikiorsiinermilu inissisimanerat paasisimasaqarfigilissagaat.

Sulinermik sungiusarneq

§ 18. Sulinermik sungiusarnerup siunertaraa, ilinniartut

1) isumaginninnikkut suliassanik isumaginninnermilu suliffeqarfinnik ilisimasaqarlualernissaat,

2) atuagarsornikkut ilisimalikkanik isumaginninnikkut suliani tassanissaaq sullitanik attaveqarnermi atuisinnaalernissaat,

3) inuuniarnikkut ajornartorsiutit pillugit ikiorsiiniermi aaqqiiniarnermilu isumaginninnikkut sullissinermi periarfissanut killissanullu tunngatillugu naliliisarneq misilittagaqalernissarlu,

4) inuuniarnermi ajornartorsiutinik suliaqarnermut atatillugu ilisimalikkanik periaatsinillu aalajangersimasunik toqqaallunilu atuisinnaanermik sungiusarneqassallutik, tassunga ilaatillugu

isumaginninnikkut suliaqarnermi nammineq pisinnaasatigut iluaqutissat pillugit naliliisarnissaq,

5) sulinermik sungiusarfiup siunertaanik, qanoq aaqqissuussaananeramik sulisullu akuleriaarnerannik paasinnilluarnissaq, aamma

6) isumaginninnikkut suliaqarnermut atatillugu ileqqorissaarnissamik ilisimasaqarlualernissaq.

Suliniummik allaaserinninneq suliata pillugit assigiinngitsunik ilinniagallit suleqatigalugit suliaqarneq

§ 19. Ilinniagassatut sammisani suliniummik allaaserinninnermi suliata pillugit assigiinngitsunik ilinniagallit suleqatigalugit suliaqarnermi siunertaavoq, ilinniartut

1) nammineerluni sulisinnaanermut sungiussinissaat,

2) suleriaaseq ajornartorsiutinik suliaqarnermut atortoq tunngavigalugu inooqatigiinnermi inuuniarnikkut ajornartorsiutit aallaaviinik tamakkulu ersittumik pissusiinik assigiinngitsunik suliallit ataatsimut isiginnittaasiat atorlugu paasinnittaaseqalernissaat, aamma

3) paasiniaaqqissaarneq tunngavigalugu pinaveersaartitsinnermut sammisuni ikiorsiissuteqarnissamullu sammisuni aaqqiissutissanik siunnersuuteqarsinnaanngornissaat.

Kapitali 4

Ilinniartitaanermi misilitsinnerit

Ilinniartitaanermi misilitsinnerit siunertaat

§ 20. Ilinniartitaanermi misilitsinnerni ilinniartup pisinnaasai ilinniartitaanerup siunertaanut piumasaanullu naapertuunnersut aammalu qanoq nallersuussinnaatiginersut naliliiviginissaat siunertaavoq.

Misilitsinnerit ilinniarfimmi ilinniartitsisunit aamma ilinniarfiup avataaneersunik naliliiviusartut nassuiarneri

§ 21. Misilitsinnerit ilinniarfimmi ilinniartitsisunit imaluunniit ilinniarfiup avataaneersunik naliliivigineqartarput.

Imm. 2. Ilinniarfimmi ilinniartitsisunit misilitsinnerit tassaapput misilitsinnerit ISI-mi ilinniartitsisunit ikinnerpaamik marlunnit naliliivigineqartut.

Imm. 3. Ilinniarfimmi misilitsinnerit ilinniarfiup avataaneersunik naliliiviusut tassaapput misilitsinnerit ISI-mi ilinniartitsisunit ilinniartitsunilluunniit aamma Ilinniartitaanermit Pisortaqarfimmit nalileeataasussatut toqqakkamit arlalinnilluunniit naliliivigineqartut.

Allattariarsorluni misilitsinnerit

§ 22. Allattariarsorluni ilinniarfimmi misilitsinnerit ilinniarfiup avataaneersunik naliliiviusunut

ataatsimiititaliamit soraarummeerusiortussamik suliarineqassapput, tak. § 23.

Imm. 2. Ilinniarnep naammassinerani ilinniartut misilitsinnerni suliarisimasatik tigunissaanik piunasaqarsinnaapput.

§ 23. Ilinniartitsissutini allattarissanik misilitsiffiusussanut ilinniarfimmi pisortaq ataatsimiititalianik soraarummeerusiortussamik pilersitsissaaq. Ataatsimiititaliani soraarummeerusiortussani ilaasortaapput ilinniagassani ilinniartitsisut ilinniagassamillu ilisimasallit ikinnerpaamik marluk taakkulu sinniisussaata Ilinniartitaanermut Pisortaqarfimmit toqqarneqartut.

Imm. 2. Ataatsimiititaliani soraarummeerusiortussani ilaasortat ilinniagassamik ilisimasallit taakkulu sinniisussaata ukiut pingasukkaarlugit toqqarneqartassapput.

Imm. 3. Ilinniartitaanermut Pisortaqarfik ataatsimiititaliat soraarummeerusiortussat suliaasaat pillugit ersarinnerusunik aalajangersagaliorsinnaavoq.

Oqaluttarissanik misilitsinnerit

§ 24. Soraarummeersitsisuussapput ilinniartitsisut ilinniagassami ilinniartitsisuusimasut, taamaalilluni ilinniartitsisoq soraarummeersitsisuulluni. Soraarummeersitsineq sapinngisamik soraarummeersitsisup soraarummeertullu oqaloqatigiinnerattut ingerlanneqassaaq, tassani soraarummeernermit naliliisartoq peqataasinnaalluni. Ilinniartup ilinniakkamut atatillugu suliaqarsimaneranut takussutissat uppenarsaatit soraarummeernermit ilaatinneqarsinnaapput.

Imm. 2. Soraarummeernermit apeqqutit soraarummeertunut makitsinikkut tunniunneqassapput. Soraarummeertup allattarissanik suliaa soraarummeerutaassappat, taanna soraarummeersitsinermit tungaviussaaq.

Imm. 3. Soraarummeernermit naliliisartoq soraarummeersitsisorlu kisimik karakteriliissapput.

Imm. 4. Soraarummeertoq soraarummeernissamut piareersarfeqartitaassappat, piareersarnerani nakkutilliisoqassaaq.

Imm. 5. Oqaluttarissanik soraarummeernerit kikkunnilluunniit najuuffigineqarsinnaapput.

Misilitsinnerit naliliinerillu

§ 25. Ilinniagassat kinguliini pineqartut allattariarsorluni misilitsinnermik ilinniarfiup avataaneersunit naliliisoqarluni naggaserneqassapput

1) inuit ataasiakkaat, ilaqutariit aamma kingornussisarneq pillugit inatsisit,

2) pisortat ingerlatsinerat pillugu ilisimasassat aamma

3) isumaginninneq pillugu inatsisit.

Imm. 2. Ilinniagassaq isumaginninnikkut suliaassanik suliaqarnermit ilisimasassanut periaatsinullu aalajangersiamasunut tunngasoq allattariarsorluni aamma oqaluttariarsorlunilu ilinniarfiup avataaneersunit naliliisoqarluni misilitsinnermik naggaserneqassapput. Misilitsinnerit naligiimmik pingaartinneqarlutik oqimaalutarneqassapput.

Imm. 3. Ilinniagassat kinguliini taagorneqartut allattariarsorluni imaluunniit oqaluttariarsorluniluni ilinniarfiup avataaneersunit naliliisoqarluni misilitsinnermik naggaserneqassapput

1) tarnip pissusilerineq

2) inooqatigiilerineq

3) aningaasaqarneq.

Imm. 4. Allattariarsorluni naggataarutaasumik assigiinngitsunik ilinniagallit suleqatigalugit suliniut oqaluttariarsorluni avataaneersunik naliliisoqarluni misilitsinnermik naliliiffigineqassaaq, tassani ilinniartup ilaatigut nassuiassallugit allaatigisassamik toqqaaneq suleriaaseqarnerlu.

Imm. 5. Immikkoortuni 2-miit 4-mut misilitsinnerit taaneqartut, oqaluttariarsorneruppata, ilinniartut ataasiakkaat misilitsinnerattut imaluunniit ataatsimoorluni misilitsinnertut aqqissuunneqarsinnaapput, taamatut pinermi matumanissaaq ilinniartut ataasiakkaarlugit naliliivigineqartartussaammata.

§ 26. Ilinniartitaanerup immikkoortuisa aappaanni ilinniartut ataasiakkaarlugit isumaginninnikkut suliassani ilisimasassanut periaatsinullu tunngasunut aammalu isumaginninneq pillugu inatsisinut tunngasunut ISI-mi ilinniartitsisut naliliisoralugit misilitsissapput. Misilitsinneq allattariarsorluni misilitsinneruvoq.

Imm. 3. Ilinniartitaanerup immikkoortuisa pingajuannut ingerlaqqissagaanni misilitsinnermi angusisimasariaqarpoq.

§ 27. Ilinniagassatut sammisani misilitsiffiusussani 13 atorlugu karakteriliisarneq (13-skala) atorneqassaaq.

§ 28. Piffissap sulinermik sungiusarfiusup naanerani ISI ilinniartup sungiusarnermini pissarsiaqarsimanagera naliliinerit "akuerineqarpoq" aamma "akuerineqanngilaq" atorlugit naliliissaaq.

Imm. 2. Ilinniartup allaaserisai sungiusarfiullu oqaaseqaataa tunngavigalugit naliliisoqassaaq.

Misilitseqqinneq

§ 29. Ilinniartuq ilinniagassatut sammisani tamani misilitseqqinnissamut nalunaarsinnaavoq, ilinniagassatut sammisani tamani karakteri 6 ataassimaguniuk.

Imm. 2. Ilinniartuq ilinniagassamut ataatsimut taamaallaat marloriarluni misilitseqqinnissamut nalunaarsinnaavoq.

Imm. 3. Ilinniartuq misilitseqqinnissamut nalunaaruni ilinniagassamut sammisami tullianik misilitsinnissamut siullermut peqataasinnaatitaavoq.

Imm. 4. Ilinniartuq ilinniagassatut sammisami ataatsimi ataasiaannarani misilitsissimaguni karakteri qaffasinneq atussaaq.

Imm. 5. Ilinniartitaanermut Pisorta qarfik pissutsini immikkut ittuni imm. 2-imiit 3-mut aalajangersakkanit immikkut akuersissuteqarsinnaavoq.

§ 30. Nappaammik uppernarsaasikkamik imaluunniit allamik peqquteqavillutik misilitsinnerni ilinniartunik peqataasinnaangitsunik misilitsittoqarsinnaavoq. Misilitsinneq ingerlanneqassaaq kingusinnerpaamik misilitsinnermut tullermut atatillugu, aammattaaq takukkit § 6, imm. 1, nr. 7 malillugu malittarisassani aalajangersakkat.

§ 31. Ilinniartuq misilitsinnissamut takkutinnngitsoorpat aammalu misilitsinnermut peqataaniarani nalunaaruteqarsimangippat 00-mik karakteriliisoqassaaq.

§ 32. Ilinniartitaanermi misilitsinnerit tamanna pillugu malittarisassat malillugit ingerlanneqarnissaat ilinniarfimmi pisortap akisussaaffigaa.

Imm. 2. Misilitsinnerit ingerlanneqarneranni pissusissarititaasumit allaasumik iliornerit erninnaq Ilinniartitaanermut Pisortaqarfimmut nalunaarutigineqassapput.

§ 33. Ilinniarfimmi pisortap soraarummeertoq misilitsinnermit peersinnaavaa,

1) soraarummeertoq taamaaliortussaananani allanit ikiorteqarsimappat, akuerisaanngitsunik iluaquteqarsimappat imaluunniit allap suliaanic nammineq suliarinerarlugu saqqummiussisimappat, imaluunniit

2) soraarummeertup misilitsinnerup nalaani taamaaliortussaananani allanit ikiuisimappat ikiuniarsimappalluunniit.

Imm. 2. Soraarummeertoq misilitsinnermit peersitaasimappat ilinniarfimmi pisortap pineqartup ilinniartitaanermiit peersinneqarnissaa pillugu aalajangiisinaavoq.

Kapitali 5

Angusinissamut piumasarineqartut

§ 34. Soraarummeernermi angusinissamut piumasarineqartut

- 1) karakterit tamaasa katillugit agguaqatigiissitsinnermi karakteri minnerpaamik 6-iussasoq
- 2) ilinniagassatut sammisami isumaginninnikkut suliani ilisimasassat periaatsillu aalajangersimasut soraarummeerutiginerini minnerpaamik karakteri 6 anguneqarsimassasoq,
- 3) amerlanerpaamik karakterip ataatsip 6 ataassimassagaa, aammalu
- 4) sulinerimik sungiusarneq ilinniagassallu allat soraarummeerutaanngitsut akuerineqarsimassasut.

Kapitali 6

Allattaaviit soraarummeernernullu uppernarsaat

§ 35. Ilinniarfimmi pisortaq allattaavinnik ingerlatsisuuvoq, ilinniartullu tamarmik immikkut qupperneqartut. Allattaavinni paasissutissat ilinniartumut namminerimut tunngasut, uppernarsaatit, peqataannginnissamut akuerineqarnerit allallu nalunaarut malillugu immikkut akuersissutit, sulinerimik sungiusarnerup naliliiviginerana misilitsinnernilu karakterit allaqqassapput.

§ 36. Ilinniartut, soraarummeernermi angusisimasut § 34 malillugu allagartartaartinneqassapput.

Allagartaq tamanut atuuttumik aamma piginnittuinnarmut tunngasunik oqaasertalerneqassaaq.

Imm. 2. Piginnittumut tunngasunik oqaasertaliussani paasissutissiissutigineqassaaq

1) ilinniartumut namminerimut tunngasut aamma ulloq ukiorlu ilinniarnepup naammassiffia,

2) sulinerimik sungiusarnermi naliliineq "akuerineqarpoq" kiisalu sulinerimik sunngiusarfiup suunera, aamma

3) misilitsinnerni ataasiakkaani karakteriliussat.

Imm. 3. Oqaasertaliussani tamanut atuuttuni ilanngunneqassapput nalunaarummi § 3, imm. 1, § 5

aamma § 34.

Imm. 4. Soraarummeernermut uppersaasat rektorimit ilinniartup allattaavinni quppernera malillugu suliarineqassaaq. Uppersaasat ilinniarfimmi pisortamit atsiorneqassaaq.

Imm. 5. Ilinniartut ilinniartitaanermik naammassinninnatik qimatsisut qinnuteqarnikkut misilitsinnernut peqataaffigisimasanut, sulinermik sungiusarnerup akuerineqarneranut uppersaammik tunineqarsinnaapput kiisalu ilinniagassani paasinninneq tunngavigalugu karakteriliiffiusuni karakterimik tunineqarsinnaapput.

Kapitali 7

Atortuulersitsineq atorunnaarsitsinerlu pillugit aalajangersakkat

§ 37. Nalunaarut 7. decembari 2000 aallarnerfigalugu atortuulissaaq. Peqatigitillugu Isumaginninnermi siunnersortissanik ilinniartitsineq pillugu Namminersornerullutik Oqartussat nalunaarutaat nr. 13, 15. april 1991-imeersoq, Isumaginninnermi siunnersortissanik ilinniartitsinermi fagit pillugit Namminersornerullutik Oqartussat nalunaarutaat nr. 15, 15. april 1991-imeersoq kiisalu Isumaginninnermi siunnersortinngorniat ilinniartitaanerat pillugu Namminersornerullutik Oqartussat nalunaarutaat nr. 17, 20. august 1997-imeersoq atorunnaassaaq.

Namminersornerullutik Oqartussat, ulloq 7. december 2000

Lise Lennert

/

Karl Kristian Olsen